



KOMUNIKADO PA PRENSA

<i>Fecha</i>	<i>Account Manager</i>	<i>Email</i>	<i>Nr.</i>
17 di yanüari 2014	Jhanirha Anita	jhanirha.anita@gobiernu.cw	

REKORDATORIO!

DJALUNA 20 DI YANÜARI TA KUMINSÁ KU CAS CORAWEG

Willemstad –Minister Balborda huntú ku Servisio pa Obra Públiko (OW), ta informá komunidad ku trabounan di mantenshon ta bai kontinuá na Cas Coraweg entre Mangusa nobo i Mangusa bieu. E trabounan lo konsistí di drecha fundeshi, ‘frieze’ e kaya, pone asfalt, drecha alsera i buta marka riba e kaya (‘wegmarkering’). E trabounan aki ta plania pa dura entre 4 pa 8 siman.

Den kuadro di e trabounan aki, Servisio pa Obra Públiko ta traha huntú ku Departamentu di Tráfiko di Kuerpo Polisial di Kòrsou pa desviá e tráfiko. Usuarionan di e karetera ariba mensioná por hasi uso di e kaya manera e bòrchinan ta indiká.

Minister Balborda ta gradisí tur habitante i usuario di e karetera aki adelantá pa nan kompreshon i koperashon durante ehekushon di e trabounan aki. Esakinan sigur ta na benefisio di e habitantenan, usuarionan i pueblo di Kòrsou en general. Minister ta hasi un apelasion tambe na tur outomobilista pa manehá ku koutela riba e kaya aki pa asina garantisá seguridat di tur usuario i tambe di e trahadónan.

Pueblo di Kòrsou por sigui tur último desaroyonan di Minister Balborda di Tráfiko, Transporte i Planifikashon Urbano via di su página di Facebook ‘Earl W. Balborda, Minister VVRP’.